

Umhverfisstofnun
Áb.

09. júní 2015

Tilv.

Axel Hallkell Jóhannesson
Bergstaðastræti 54
101 Reykjavík



UMHVERFISSTOFNUN

Vestmannaeyjum 4. júní 2015
UST201505-164/P.V.B.
09.05.01

Efni: Surtsey - umsókn um fararleyfi

Umhverfisstofnun hesur mótttekið erindi frá Axel Hallkell Jóhannessyni, sýningarhönnuði sýningar um Surtsey í Eldheimum, dags. 20. maí 2015 vegna óskar um fararleyfi til Surtseyjar.

Surtsey var friðlýst árið 1965. Markmiðið með friðlýsingu Surtseyjar er að tryggja að þróun eyjarinnar verði eftir lögmálum náttúrunnar og að tryggt verði að landnám plantna og dýra, framvinda lífríkis og mótn jarðmyndana verði með sem eðlilegustum hætti. Til þess að tryggja þetta er aðgangur manna að eyjunni takmarkaður. Til þess að fá að ganga á land í Surtsey eða kafa við eyjuna þarf að sækja um sérstakt leyfi til Umhverfisstofnunar. Samkvæmt auglýsingu friðlandsins í Stjórmartíðindum B nr. 50/2006 er heimilt að veita leyfi til ferða út í Surtsey til rannsókna og verkefna tengdum þeim, eða til kvíkmyndatöku og/eða ljósmyndunar vegna gerðar fræðsluefnis með sterka skírskotun til Surtseyjar eða rannsókna þar.

Tilgangur ferðarinnar er að taka upp hljóð í eyjunni, hljóð sem notuð verða í sýningunni „Surtseyjarstofa „, sýning um tilurð og þróun Surtseyjar. Sýningin er hugsuð sem einskonar gluggi út til eyjarinnar og hljóðupptökurnar eru ætlaðar til að gefa gestum tækifæri á að heyra hvernig Surtsey og náttúra hennar hljómar í dag. Upptökurnar verða hágæða „surround „, upptökur og til þess að áhrif þeirra verði hvað mestar telur umsækjandi afar mikilvægt að taka þær sem fyrst, þegar fuglarnir eru fjörugastir. Um er að ræða dagsferð þar sem farið væri á báti og færi dagsetningin eftir veðri og sjólagi.

Umhverfisstofnun heimilar fyrir sitt leyti umrædda ferð með með eftirfarandi skilyrðum og gildir leyfið í einn dag sumarið 2015:

- Leyfið gildir fyrir eftirtalda aðila:
 - Axel Hallkell Jóhannesson Sýningarhönnuður
 - Gunnar Árnason Upptökustjóri
 - Rúna Björk Þorsteinsdóttir Aðstoðarmaður upptökustjóra
- Gæta þarf þess að hreinsa allan fatnað og farangur áður en lagt er af stað til að tryggja að engar lífverur og plöntuhlutar berist til Surtseyjar til að tryggja að landnám/þróun lífs eigi sér stað án tilstuðlan mannsins.
- Gæta verður þess að ganga vel um viðkvæma náttúru Surtseyjar þar sem bannað er að trufla dýralíf, raska jarðminjum og skerða gróður.
- Gæta verður þess að allur farangur verði tekin til baka sem og allur sá úrgangur sem tilfellur á meðan dvalið er í Surtsey.

- Ekkert drykkjarvatn er í eyjunni og verða leiðangursmenn að flytja það með sér. Þá er þar engin salernisaðstaða.
- Á meðan dvalið er í eyjunni ber leiðangursmönnum að hlíta fyrirmælum starfsmanns friðlandsins, Þórdísar V. Bragadóttur, sem verður með í för.

Virðingarfyllst

Sigrún Ágústsdóttir
Sviðstjóri

Þórdís V. Bragadóttir

Þórdís Vilhelmína Bragadóttir
Sérfræðingur